

Door cu a ofrece paquetenan barata

Ultimo 3 pa 4 siman ocupacion den hotelnan ta hopi bon

ORANJESTAD(AAN) – E ultimo 3 pa 4 simannan, e ocupacion di e hotelnan a mehora. Asina e sindicalista Anselmo Pontilius, di sindicato FTA, a duna di conoce despues di a papia cu diferente representante di hotelnan.

OCUPACION

A

AUMENTA

Segun Pontilius, den combersacion cu e diferente hotelnan por a saca afor cu e ocupacion a subi door di a bende paquetenan barata.

HENDENAN LOCAL DEN HOTEL

Pontilius a mustra cu na Divi Divi y Tamarijn e hotelnan ta hopi yen caminda hasta tin hendenan local ta haciendo uso di e diferente ofertanan cu hotelnan ta ofreciendo.

LUNA DI JULI A BAY BON

E sindicalista a splica cu e siman aki lo tin reunion cu gerencia di diferente hotel entre otro Alegro y Holiday Inn pa mira kico e pronostico pa Augustus y September lo ta ya cu normalmente luna di September sa ta cu ocupacion abao.

Pa loke ta trata luna di Juli 2003 ta asina cu e luna aki a mehora considerablemente y si compara esaki cu Juli 2002, nan ta casi igual.

Esaki ta door di e hecho cu hotelnan a baha prijs y subi mercado internacional y a haya hopi bon reaccion. Ta asina cu sector hotelero ta cera luna di Juli 2003 hopi mas mihor di loke a pronostica riba papel.

HOPI TURISTA DI CANADA

Door di ofrece paquetenan atractivo, Aruba a haya hopi bon reaccion di e mercado di Canada. Segun Pontilius e turista Canades e aña aki a reemplaza bastante e turista Venezolano y Colombiano cu

sa bishita Aruba.

NO A DUNA EXTRA DIA LIBER

Door di e ocupacion asina bon pa e hotelnan, hopi trahadornan den e sector hotelero no a haya extra dia liber manera tabata e caso anteriormente. Manera ta conoci,

hotelnan a haya nan ta introduci un sistema caminda tabata duna trahadornan extra dianan liber pa evita cu e tra-

hador ta perde su trabao door cu ocupacion di hotel tabata abao. Esaki a worde palabra cu e trahadornan y nan a mus-

tra comprension pa e situacion.

E luna aki, e trahadornan lo goza di un mihor salario ya cu door di e ocupacion halto na hotelnan, no tabatin e necesidad di duna extra dianan liber.

Dama Arubiano a fayece durante crucero



ORANJESTAD(AAN): Ayera mainta a drenta e infor-

macion tristo for Alaska, cu sra. Thelma Theresa Croes-Acosta, vda. di e ex politico di AVP Sr. Silvio "Chibi" Croes, mama di Aldrich, Randall, Aisha y Audi Croes, a fayece durante crucero na Alaska di un aparente paro cardiaco ayera madrugá.

Segun e informacion cu a yega na redaccion di DIARIO, riba e barco crucero tin alrededor di 90 hende di Aruba cu ta haciendo e viahe. E barco lo mara na un Puerto di Alaska unda lo baha e cadaver pa autopsia tuma lugar

y pa preparacionnan di documentacion tuma lugar pa trece e fayecida Aruba.

Sra. Thelma Theresa Croes-Acosta tabata conoci como un persona masha alegre, semper dispuesto pa yuda otro y pa esnan rond di dje semper ta pasa bon.

Segun DIARIO tin entendi, el a tene un conversacion cu su

yiú muher recientemente indicando cu e biahe tabata pisa pa yega Seattle ya cu nan a biaha for di Aruba pa Miami, di Miami pa Dallas y di Dallas pa Seattle cu ta en verdad un viahe pisa y duradero.

DIARIO te extende su mas sincero condolencia na yiu-nan y familia di e fayecida.



Cuida Bo oido!

CON TIN HOMBER.....ASINA!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 865455

